

PAYLLAKKUNAPAK HAYÑI

Servicio de Rentas Internas, charin rikuyku tukuy kullkita payllak runakuna paykunapak hayñikunata, ruraykunatapash alli yachachunmi munan.

Circular No. NAC-DGECCGC17-00000004 publicada en el Suplemento del Registro Oficial No. 980 del 07 de abril de 2017, Servicio de Rentas Internas killkawanmi, tukuy runakunaman willachirka, Mama Kamachipi, shuk kamachikunapipash tiyak hayñikunatami kullki payllakkunamanka riksichin, shinallatak kay katipi churashka hayñikunatapashmi riksichin.

1. Sumaychay, wakaychinamantapash hayñikuna
2. Yanapaymanta hayñikuna
3. Charinamanta hayñikuna
4. Willachimanta hayñikuna
5. Imashina ruraykunamanta hayñikuna

1. Sumaychay, wakaychinamantapash hayñikunaka kaykunami kan:

a) Servicio de Rentas Internas Wasi ukupi llamkak runakuna, sumaychaywan, kuyaywan chaskina hayñi.

b) Kikinllatak willaykuna, rikuchik willaykuna, manuchaski kullkimanta willaykunapash, pakalla wakichishka tiyana haiñi, kamachik nikllapimi pakalla tiyayka paskarinka.

2. Yanapaymanta hayñikunaka kaykunaka kan:

a) Manuchaski Kullkita kamakka, hayñikunata paktachinamanta, ruraykunatapash paktachinamanta, willana, yanapanapash haiñi

b) Tapuykunata rurana hayñi, utka kutichishkapash kana, kamachipi nishka pachakunapi.

3. Charinamanta hayñikunaka, kaykunami kan:

a) Alli payllashkamanta, mana alli payllashkamanta, yalli payllashkamantapash kullkita kutichina hayñi.

b) Ima llakikunamantapash pacha tukurichun mañana hayñi.

c) Pacha tukurishkamanta, Manuchaski Kullkita Kamak Wasipak ushaykuna tukurishkata paktachina hayñi.

4. Willachimanta hayñikunaka kaykunami kan:

a) Kikinmanta, charishkakunamantapash willaykunaman yaykuna hayñi.

b) Kikinmanta ruraykuna imashina katikushkamanta yachana hayñi

c) Kikinmanta, charishkakunamantapash, ruraykuna imashina katikushkata, harkaymanta, taripaymantapash kallari pachamanta yachana hayñi. Shinallatak chay rurari katipi imakunallata ruranata, hayñipi nishka pachakunapi rurashka kana hayñi.

5. Ruraykuna ima shina katimanta, hayñikunaka kaykunami kan:

a) Kikinllatak willaykunata allichina hayñi, kamachipi nishka shina.

b) Manuchaski Kullkita Kamak Wasipak ruraykuna llakichikpika allichichun mañana, payllay kamachipi nishka shina, shinallatak, Manuchaski Kullkita Kamak Wasika, mañashkakunata utkami kutichina kan.

c) Ima mañashkakunatapash Manuchaski Kullkita Kamak Wasiman churana, kullki payllay kamachipi nishka shina.

d) Manuchaski Kullkita Kamak Wasiman, kullki pallaypi mana alli ruraykuna tiyapkika willana, sumaychaykunata, yupaychaykunatapash kuna hayñi.

e) Ruraykunapi alli rurashka kana, harkarinapash hayñi.

f) Imashina kashkamanta yuyaykunata, rikuchikunatapash Manuchaski Kullkita Kamak Wasiman kuna hayñi, kamachikunapi nishka shina.

Ashtawan yachayta munashpaka, kayman yaykunki. web www.sri.gob.ec mana kashpaka hapikkunata rikukwan rimarinki. Telefónica al 1700 SRI SRI (774 774).